

Expediente cofinanciado pola Unión Europea – Fondo Europeo Marítimo, de Pesca e de Acuicultura (FEMPA)  
PRIORIDADE 1: Fomentar a pesca sostible e a recuperación e conservación dos recursos biolóxicos acuáticos  
OBJECTIVO ESPECÍFICO 1.1: Reforzar as actividades pesqueiras que sexan económica, social e medioambientalmente sostibles  
MEDIDA 1.1.12: Portos pesqueiros, lugares de desembarque, lonxas e ancoradoiros  
Porcentaxe cofinanciamento medida: 70 % FEMPA – 30 % Comunidade Autónoma

## COFRADIA DE PESCADORES SANTIAGO APOSTOL

### RESOLUCIÓN DA CONSELLERÍA DO MAR POLA QUE SE CONCEDE UNHA AXUDA AO PROXECTO COLECTIVO “MELLORA DA CALIDADE DOS PRODUCTOS, CELEIRO 2024” PRESENTADO POLA COFRADIA DE PESCADORES SANTIAGO APOSTOL (NIF G27008820)

#### ANTECEDENTES DE FEITO

**PRIMEIRO.-** O 31 de xaneiro do 2024, publicouse no Diario Oficial de Galicia (DOG nº 22) a orde do 28 de decembro de 2023 pola que se establecen as bases reguladoras e a convocatoria para o ano 2024, para a concesión, en réxime de concorrencia competitiva, de axudas a proxectos colectivos para a modernización e mellora dos equipamentos e das infraestruturas dos portos pesqueiros, dos lugares de desembarque, das lonxas e dos ancoradoiros, cofinanciada polo Fondo Europeo Marítimo, de Pesca e de Acuicultura (FEMPA) e tramitada como expediente anticipado de gasto (Código de procedemento PE209G).

**SEGUNDO.-** O 27 de febreiro de 2024, tivo entrada a través do Rexistro Electrónico da Xunta de Galicia, solicitude da COFRADIA DE PESCADORES SANTIAGO APOSTOL, relativa ás axudas indicadas no antecedente anterior.

**TERCEIRO.-** O 14 de xuño de 2024, o Servizo de Desenvolvemento Pesqueiro emitiu informe en base ao disposto no artigo 18.1 da orde, no que determina que o expediente cumpre os requisitos da convocatoria, incluída a viabilidade técnica e económica do proxecto.

**CUARTO.-** O 14 de xuño de 2024, de conformidade co disposto no artigo 19 da orde a Comisión de Avaliación constituída na Dirección Xeral de Desenvolvemento Pesqueiro, examinou e valorou o expediente, sen que figure unha avaliación dos criterios horizontais e específicos de cada expediente porque a suma dos investimentos subvencionados nos expedientes non supera o crédito existente para as axudas (artigo 22.1 da orde).

#### FUNDAMENTOS DE DEREITO

**ÚNICO.-** O artigo 2 da Orde do 28 de decembro do 2023, establece o marco normativo ao que se atenderá para o outorgamento e execución das subvencións:

1. Regulamento (UE) nº 2021/1060 do Parlamento Europeo e do Consello, do 24 de xuño de 2021, polo que se establecen as disposicións comúns relativas ao Fondo Europeo de Desenvolvemento Rexional, ao Fondo Social Europeo Plus, ao Fondo de Cohesión, ao Fondo de

CONSELLERÍA DO MAR  
DIRECCIÓN XERAL DESENVOLVEMENTO PESQUEIRO  
Rúa Irmandiños s/n - Salgueiriños  
15701 Santiago de Compostela  
Teléf. 981-546177  
cma.dxdesevolvemento@xunta.gal



Transición Xusta e ao Fondo Europeo Marítimo, de Pesca e de Acuicultura, así como as normas financeiras para os devanditos Fondos e para o Fondo de Asilo, Migración e Integración, o Fondo de Seguridade Interior e o Instrumento de Apoio Financeiro á Xestión de Fronteiras e a Política de Visados.

2. Regulamento (UE) nº 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura, e polo que se modifica o Regulamento (UE) nº 2017/1004.

3. Programa FEMPA aprobado pola Decisión da Comisión de aprobación do Programa FEMPA en España (CCI 2021ES14MFPR001) o 29 de novembro de 2022.

4. Regulamento (UE, Euratom) 2018/1046 do Parlamento Europeo e do Consello, do 18 de xullo de 2018, sobre as normas financeiras aplicables ao orzamento xeral da Unión Europea, polo que se modifican os regulamentos (UE) nº 1296/2013, (UE) nº 1301/2013, (UE) nº 1303/2013, (UE) nº 1304/2013, (UE) nº 1309/2013, (UE) nº 1316/2013, (UE) nº 223/2014 e (UE) nº 283/2014 e a Decisión nº 541/2014/UE e polo que se derroga o Regulamento (UE, Euratom) nº 966/2012.

5. Texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, coas súas posteriores modificacións.

6. Lei 9/2007, do 13 de xuño, de subvencións de Galicia.

7. Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

8. Lei 38/2003, do 17 de novembro, xeral de subvencións.

9. Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.

10. Lei 39/2015, do 1 de outubro, do procedemento administrativo común das administracións públicas.

11. Lei 1/2016, do 18 de xaneiro, de transparencia e bo goberno.

12. Decreto 132/2006, do 27 de xullo, en materia de rexistros de axudas, subvencións, convenios e sancións.

13. Lei 19/2013, do 9 de decembro, de transparencia, acceso á información pública e bo goberno.

14. Lei 15/2014, do 16 de setembro, de racionalización do sector público e outras medidas de reforma administrativa.

15. Lei 11/2023, do 8 de maio, de transposición de directivas da Unión Europea en materia de accesibilidade de determinados produtos e servizos, migración de persoas altamente cualificadas, tributaria e dixitalización de actuacións notariais e rexistras, e pola que se modifica a Lei 12/2011, do 27 de maio, sobre responsabilidade civil por danos nucleares ou producidos por materiais radioactivos.

16. Lei 10/2014, do 3 de decembro, de accesibilidade de Galicia.

17. Decreto 35/2000, do 28 de xaneiro, polo que se aproba o Regulamento de desenvolvemento e execución da Lei de accesibilidade e eliminación de barreiras na Comunidade Autónoma de Galicia.



18. Lei 22/1988, do 28 de xullo, de costas.
19. Lei 41/2010, do 29 de decembro, de protección do medio mariño.
20. Real Decreto 79/2019, do 22 de febreiro, polo que se regula o informe de compatibilidade e se establecen os criterios de compatibilidade coas estratexias mariñas.
21. Lei 42/2007, do 13 de decembro, do patrimonio natural e da biodiversidade.
22. Lei 5/2019, do 2 de agosto, do patrimonio natural e da biodiversidade de Galicia.
23. Lei 11/2008, do 3 de decembro, de pesca de Galicia.
24. Decreto 20/2011, do 10 de febreiro, por lo que se aproba definitivamente o plan de ordenación do litoral de Galicia.
25. Lei 4/2023, do 6 de xullo, de ordenación e xestión integrada do litoral de Galicia.

Polo tanto, en base á proposta de resolución de concesión de axudas formulada pola comisión de avaliación, e ao disposto no marco normativo aplicable, no uso das facultades que me foron delegadas,

#### RESOLVO:

**CONCEDER** á COFRADIA DE PESCADORES SANTIAGO APOSTOL (NIF G27008820), a axuda para o proxecto colectivo, cos requisitos e condicións que a seguir se sinalan, e a cuxo cumprimento se compromete o beneficiario coa aceptación da axuda.

#### I. Requisitos específicos relativos aos produtos ou servizos

<b>Denominación</b>	MELLORA DA CALIDADE DOS PRODUCTOS, CELEIRO 2024	
<b>N ° Expediente</b>	PE209G-2024-00018	
<b>Asunto</b>	Programa para España CCI 2021ES14MFPR001	
	Prioridade 1 – Fomentar a pesca sostible e a recuperación e conservación dos recursos biolóxicos acuáticos.	
	O.E 1.1: Reforzar as actividades pesqueiras que sexan económica, social e medioambientalmente sostibles.	
	Medida 1.1.12.- Portos pesqueiros , lugares de desembarque, loxas e ancoradoiros.	
<b>Convocatoria</b>	Convocatoria 2024 ao abeiro da Orde do 28 de decembro do 2023	
<b>Organismo Intermedio Xestión</b>	Dirección Xeral de Desenvolvemento Pesqueiro	
<b>Obxectivo</b>	Calidade, control e rastrexabilidade	
<b>Ubicación</b>	<b>Concello: Viveiro</b>	<b>Provincia: Lugo</b>



## II. Plan financeiro

<b>Importe total do proxecto</b>	188.922,00 €		
<b>Importe solicitado subvencionable</b>	188.922,00 €	<b>Porcentaxe da subvención</b>	100%
<b>Importe da subvención concedida</b>	188.922,00 €		
	<b>Importe público</b>	<b>FEMPA (70%): 132.245,40 €</b>	<b>C.A.(30%): 56.676,60 €</b>
<b>Importe privado</b>	0,00 €		

## III. Prazo de execución

<b>Proxecto plurianual (SI/NON)</b>	NON	Anualidade 2024
<b>Data de inicio</b>	Dende a presentación da solicitude	
<b>Prazo de execución e xustificación</b>	Ata o 01/11/2024	

## IV. Conceptos subvencionables

Ano 2024

Concepto	Importe solicitado	Importe subvencionado
UNIDAD DIGITAL SCROLLj. COND AIRE - 25°C/+40°C	19.630,00 €	19.630,00 €
GENERADOR DE HIELO 2500 kg/24 h	27.930,00 €	27.930,00 €
UNIDAD ENFRIADORA SILO HIELO	6.400,00 €	6.400,00 €
SILO DE ALMACENAMIENTO DE HIELO. 3000Kg	17.490,00 €	17.490,00 €
HUSILLOS GEMELO PARA EXPEDICIÓN DE HIELO	15.070,00 €	15.070,00 €
TRANSPORTADOR DE HIELO	6.215,00 €	6.215,00 €
DOSIFICACION DE HIELO	15.320,00 €	15.320,00 €
TREN DE PESAXE E ETIQUETADO	46.782,00 €	46.782,00 €
DETECTOR DE METALES SH2K	18.750,00 €	18.750,00 €

**CONSELLERÍA DO MAR**  
**DIRECCIÓN XERAL DE DESENVOLVEMENTO PESQUEIRO**  
 Rúa dos Irmandiños, s/n- Salgueiriños  
 15781 Santiago de Compostela  
 T. 981 546 176  
[cma.dxdeseenvolvemento@xunta.gal](mailto:cma.dxdeseenvolvemento@xunta.gal)



3 MESAS DE CLASIFICACIÓN Y CORTE	5.817,00 €	5.817,00 €
2 MESAS DE CLASIFICACIÓN Y EVISCERADO	2.126,00 €	2.126,00 €
8 MESAS DE CLASIFICACIÓN Y FILETEADO	7.392,00 €	7.392,00 €
TOTAL	<b>188.922,00 €</b>	<b>188.922,00 €</b>

<b>TOTAL 2024</b>	<b>188.922,00 €</b>
-------------------	---------------------

As inversións serán acordadas coas indicadas no proxecto colectivo aprobado.

## V. Condicións xerais

O beneficiario da axuda acepta e comprométese á:

a) Cumprir o obxectivo, executar o proxecto, realizar a actividade ou adoptar o comportamento que fundamenta a concesión da subvención dentro dos prazos máximos que se establecen nesta resolución de concesión, co cumprimento das condicións e prescricións establecidas nesta, na orde de convocatoria ou demais normativa de aplicación, de forma que se poida realizar a súa comprobación documental e material.

b) Comunicarlle ao órgano concedente a obtención doutras subvencións, axudas, ingresos ou recursos que financien as actividades para as que se solicita axuda, así como calquera circunstancia que poida afectar substancialmente a execución ou á consecución dos fins para os cales foi concedida a axuda de que se trate.

c) Achegar e actualizar toda a información que lles sexa requirida en relación coas subvencións concedidas e someterse ás actuacións de comprobación que deba efectuar a entidade concedente, así como calquera outra actuación de comprobación ou control financeiro que podan realizar os órganos de fiscalización e control da Comunidade Autónoma de Galicia, da Administración xeral do Estado e da Unión Europea, para o que se achegará canta información lle sexa requirida no exercicio das actuacións anteriores.

d) Cumprir as condicións de admisión da solicitude do artigo 11 do Regulamento (UE) nº 2021/1139, de conformidade co punto 4 deste.

Cumprir as condicións de admisión do artigo 11.1 durante todo o período de execución da operación e durante un período de cinco anos despois da realización do pagamento final ao beneficiario. No caso de incumprimento neste período recuperarase a axuda concedida de conformidade co artigo 44 do Regulamento (UE) nº 2021/1139 e o artigo 103 do Regulamento (UE) nº 2021/1060.

Cumprir as condicións de admisión da solicitude do artigo 11.3 en relación con solicitudes de axuda presentadas por un operador respecto do cal a autoridade competente determinase, por medio dunha resolución definitiva, que cometeu fraude, no contexto do FEMP ou do FEMPA.



No caso de detectarse infraccións ou fraudes en controis posteriores á concesión da axuda, recuperarase a axuda concedida de conformidade co disposto no artigo 202 do Regulamento (UE, Euratom) nº 2018/1046.

e) Manter os investimentos en infraestruturas ou investimentos produtivos obxecto de subvención durante 5 anos, polo menos, ou 3 anos no caso de pemes, dende o pagamento final de acordo co previsto no artigo 65 do Regulamento (UE) nº 2021/1060.

Tomarase como data de referencia para o cálculo dos períodos de tempo mencionados, a data contable do último pago da axuda.

Os supostos do artigo 65.1 do regulamento mencionado non se aplican no caso de producirse o cese dunha actividade produtiva por quebra non fraudulenta.

f) Proporcionar toda a información e datos necesarios para poder proceder ao seguimento e avaliación do programa, para poder dar cumprimento ao artigo 42 do Regulamento (UE) nº 2021/1060 e ao artigo 46 do Regulamento (UE) nº 2021/1139.

g) Levar rexistros contables independentes ou empregar códigos de contabilidade apropiados para todas as transaccións relacionadas coa operación de conformidade co artigo 74 do Regulamento (UE) nº 2021/1060.

h) Conservar os documentos xustificativos relacionados coa operación que recibe axuda durante un prazo de cinco anos a partir do 31 de decembro do ano en que o organismo intermedio de xestión efectúe o último pago ao beneficiario.

Os rexistros e documentos conservaranse, ben en forma de orixinais, ben en forma de copias compulsadas de orixinais, ben en soportes de datos comunmente aceptados, entre eles versións electrónicas de documentos orixinais ou documentos existentes só en versión electrónica. Cando existan versións electrónicas, non serán necesarios orixinais, se ditos documentos cumpren os requisitos legais para poder ser considerados equivalentes a orixinais e fiables, para efectos de auditoría.

i) A aceptación da axuda, sexa de forma tácita ou expresa, implicará:

1º. A autorización da inclusión da operación subvencionada na lista de operacións seleccionadas para recibir axudas do FEMPA, consonte ao sinalado no artigo 49, apartados 3 e 5, do Regulamento (UE) 2021/1060.

2º. A autorización á UE para o uso de materiais de comunicación e visibilidade, previa solicitude, e a posibilidade de utilizalos sen que supoña custos adicionais significativos ou carga administrativa significativa, nin para os beneficiarios nin para os órganos xestores.

j) Dar a coñecer a axuda prestada polos fondos á operación, de conformidade co establecido artigo 50 do Regulamento (UE) nº 2021/1060, para o cal:

1º. Se o beneficiario dispón de web ou contas en redes sociais, realizarán unha breve descrición da operación de maneira proporcionada en relación co nivel de axuda, cos seus obxectivos e resultados, e destacarán a axuda financeira da Unión Europea.

2º. Nos documentos e materiais de comunicación relacionados coa execución da operación, destinados ao público ou aos participantes, incluirán unha declaración que destaque a axuda da Unión Europea de maneira visible.



3º. No caso de operacións que teñan un custo total superior a 100.000,00 euros: instalarán placas ou valos publicitarios resistentes en lugares ben visibles para o público, nas que apareza o emblema da Unión Europea, de conformidade coas características técnicas que figuran no anexo IX do Regulamento (UE) nº 2021/1060, tan pronto como comece a execución física da operación que implique investimentos físicos ou se instalen equipos adquiridos.

4º. Para as operacións non incluídas no punto 3º, exhibirán nun lugar ben visible para o público un cartel de tamaño mínimo A3 ou unha pantalla electrónica con información sobre a operación destacando a axuda do FEMPA. Cando a persoa beneficiaria sexa unha persoa física, na medida do posible, asegurará a dispoñibilidade da información onde se destaque a axuda do FEMPA nun lugar visible para o público ou mediante unha pantalla electrónica.

En calquera actuación, incluírán, así mesmo, o logotipo da Xunta de Galicia.

O emblema da Unión Europea empregárase de conformidade co anexo IX do Regulamento (UE) nº 2021/1060 cando se realicen actividades de visibilidade, transparencia e comunicación.

Cando as beneficiarias non empreguen o emblema da Unión Europea ou incumpran o establecido nos puntos 1º a 4º desta letra, o organismo intermedio de xestión aplicará medidas, tendo en conta o principio de proporcionalidade e cancelará ata un máximo do 3 % da axuda á operación.

k) Facer mención á orixe do financiamento e velar por darlle visibilidade, en particular, cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público en xeral, de conformidade co artigo 60 do Regulamento (UE) nº 2021/1139.

l) Conservar o rexistro documental e gráfico que avale o cumprimento das obrigas de comunicación e visibilidade, que estará a disposición das autoridades do Programa e da Comisión Europa, cando se solicite.

m) Non concertar a execución total ou parcial das actividades subvencionadas con persoas ou entidades afectadas polas situacións referidas no artigo 27.7 da Lei 9/2007, do 13 de xuño, de subvencións de Galicia.

n) Cumprir coa normativa comunitaria, nacional e rexional vixente segundo a normativa sectorial que resulte de aplicación.

ñ) Respetar a Carta dos Dereitos Fundamentais da Unión Europea. Ter en conta a promoción e igualdade entre mulleres e homes e a non discriminación. Evitar calquera discriminación por razón de xénero, orixe racial ou étnica, relixión ou conviccións, discapacidade, idade ou orientación sexual e ter en conta a accesibilidade para as persoas con discapacidade, de ser o caso.

o) Comunicar a renuncia ao expediente solicitado no momento no que se produza a certeza da non execución no caso de non ser quen de realizar a actuación para a cal se concedeu a axuda.

p) Aplicarlle á actividade subvencionada os rendementos financeiros que se xeren polos fondos librados aos beneficiarios que incrementan o importe da subvención concedida.

q) Ter a capacidade administrativa, financeira e operativa para levar a cabo o proxecto para o que se solicita a axuda.



r) Comunicar ao Servicio Nacional de Coordinación Antifraude (SNCA), os feitos que puideran ser constitutivos de fraude ou irregularidade, a través da canle de denuncia: <http://www.igae.pap.hacienda.gob.es/sitios/igae/es-ES/Paginas/denan.aspx>.

Ademais, no caso de operacións que impliquen investimentos en infraestruturas ou investimentos produtivos, a persoa disporá de recursos e mecanismos financeiros necesarios para cubrir os custes de funcionamento e mantemento das operacións, para garantir a súa sustentabilidade financeira.

No prazo de dez (10) días desde a notificación da resolución, os/as interesados/as deberán comunicar a aceptación ou o rexeitamento da subvención nas condicións expresadas nela, conforme o anexo II da Orde. Transcorrido este prazo sen producirse manifestación expresa nalgún dos sentidos indicados, entenderase tacitamente aceptada a axuda nas condicións fixadas nesta resolución, segundo dispón o artigo 21.5 da Lei 9/2007, do 13 de xullo, de subvencións de Galicia.

A Consellería do Mar publicará na súa páxina web oficial a relación das persoas beneficiarias e o importe das axudas concedidas. Publicaranse no Diario Oficial de Galicia as axudas concedidas, expresando a convocatoria, programa e crédito orzamentario ao que se imputen, o beneficiario, a cantidade concedida e a finalidade da subvención.

Esta resolución incorpora o contido do documento (DECA) ao que se fai mención no artigo 73.3. do Regulamento (UE) nº 2021/1060 do Parlamento Europeo e do Consello, do 24 de xuño de 2021, garantindo, polo tanto, coa notificación da presente resolución a comunicación á persoa beneficiaria do contido no dito precepto.

Esta resolución pon fin á vía administrativa e contra ela poderase interpor, con carácter potestativo, recurso de reposición, ante o conselleiro do Mar, no prazo dun (1) mes contado a partir do día seguinte ao da súa notificación, ou recurso contencioso - administrativo, perante a Sala do Contencioso - Administrativo do Tribunal Superior de Xustiza de Galicia, no prazo de dous (2) meses contados desde o día seguinte ao da súa notificación.

Santiago de Compostela, na data da sinatura electrónica do presente documento.

O conselleiro do Mar

P.D. Orde do 21.02.2022 (DOG núm. 41 do 01.03.2022)

A directora xeral de Desenvolvemento Pesqueiro

Marta Villaverde Acuña

